

«تعال نشوف»

تعال نشوف
تعال ندور في الدنيا
ونسأل
... من زرع هالخوف؟!
تعال نشوف
وأنت اسأل...!
أنا تعبت عيوني تسأله.. والحال يتبدل
ويبدأ ضيم تأويله!
تعال
وانثر الدمعه ضما وحروف
تعال
ولا تصدق كذبه المكشوف
... وتحرم هالعيون الشوف
تعال وشوف

محمد الكحلاني

سقت عيني قلوب العاطشين وفاض بي ترتيل
يدوي في سما آهي ويكوي داخلي ضيّه
ولا كني ذرفت الهم واهديت لـ / صباحي ليل
ولا كن ابتساماتي تداري جروح مخفيه
برغم الضعف اتبسّم واتحمّل عنا.. واشيل
بقايا من تفاصيلي / ارتبها.. على النيه
أنا والصمت والحيره ونظره.. تحترق تعليل
وهذا الضيم يتمادى ويفرش لي عطا غيه!
فقدت الحرف في أول متاهات الأمل، والميل
بداية خطوته: كلمة، وراها ألف مرثيه!
ومرثيه
نعلقها على جدار الزمن
... ونطير
..... ومرثيه
نخبها / عشان شرور.. وورديه

من أول شيء يبكيها
..... إلى آخر غرابيله!
ولا تهتم لتأويله.. لكل اللي يهينها
ثقله سوء نيّاته
وحتى زيف ضحكاته
.... تحاول دوم تنفيها
وتهدم كل أمانينا
..... وترمينها
.. فوسط الصبح / يديفينا
ولا صبحه دقا للروح
ولا يرحم أبد ليله!
تعال
وداخلي يمطر
وغيمه بوحنا.. هالعين
نعيش سنين
ونتعلم بان أيامنا حيه
وأخر ذكرنا هالطين

تعال نشوف
تعال ندور في الدنيا
ونسأل
... من زرع هالخوف؟!
تعال نشوف
ونهدي له
... ألمانا والعيون الهايمة بكسوف
تدور في المدى غيره
تبرر.. كل نقصيره
بحيره
تبحث بهالناس
ولا تلقى سبب يغدر به المعروف
.. ويتخطى نمر خيره
خطيره
كل أنفاسه.. وشريه
تعال نشوف
... ونرسم كل تفاصيله
على جذوع الشجر اللي يودنيا



صورة وتحليق

ياوي فنجال شربته الحالي
فنجال ماله ثانيا بالفناجيل
فنجال من غالي يمدد لغالي
وتهديه قبل أبعده سود مضاليل
مدد علي وقال خذ يا حلاللي
لا يا بعد من ينقل القال والقليل
وأخذت فنجاللي وريحت بالي
وثنيت رجلي عندهم للتعاليل
دار الحديث وكل شيء صفالي
وارهيت منهم بالوفاء والمحاصيل
قمنا على ما قال لا له ولا لي
إلا وعود بالليلال المقابيل
والله علم عن مقبلات اللبالي
من يلحقن والإ بعد يظهرن حيل
عبدالهادي بن راجس



لو السما سجن

أحيان من قسوتي أضحك على نفسي
وأحيان من طيبتني أبكي على غيري
وأحيان أجادف بمجدافي ولا أرسى
وأحيان حتى الحروف تخون تعبيرى
يامامو واليفان بئني بهم حدسى
وقلوب الاحباب ماهي تحت تدبيرى
يامشرق اليوم لاتندم على أمسى
مادام ما برقع الحظ الردي طيرى
اليوم عادت ثمانى في الهوى خمسى
وأنا الذي ما يمل الدلو من بيرى
عن ضجة الناس يكفى والصخب همسى
لا صار يعجز عن الاحساس تصويرى
الحظ لا قام تبشر بالسما شمسى
وان نام غيرت في الايام تفكيرى
ان مرنا السعد قلنا له بعد يمسى
وان راح ما غيرت سوده معايرى
ايماني ان النسيم العسجدي عكسى
يعطيني أبعاد في فكري وتقديرى
لو الوفا دين ما كان اشتكى "العيسى"
ولو السما سجن ما كان ابتلى طيرى!

فيصل الازوري

